

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA SREBRENİK
- Općinski načelnik-

Broj: 07-1595/17

Datum, 15. 09. 2017. godine

Općinski načelnik na osnovu člana 70. stav (1) i (3) Zakona o javnim nabavkama ("Službeni glasnik BiH", broj: 39/14), Odluke o izvršenju budžeta općine Srebrenik, („Sužbeni glasnik općine Srebrenik“, broj: 7/16), čl. 38. i 118. Statuta općine Srebrenik („Službeni glasnik općine Srebrenik“, broj: 1/08) na preporuku Komisije za javnu nabavku broj: 07-1595/17 od 15.09.2017. godine, u postupku javne nabavke: Izvođenje radova na izgradnji mosta u Jasenici – općina Srebrenik, je d o n i o:

O D L U K U
O IZBORU NAJPOVOLJNIJEG PONUĐAČA

I

Prihvata se preporuka Komisije za javnu nabavku broj: 07-1595/17 od 15.09.2017. godine i Ugovor za **Izvođenje radova na izgradnji mosta u Jasenici – općina Srebrenik**, dodjeljuje se ponuđaču **"ITK MUSIĆ" DOO Srebrenik**, ponuda broj: 267/17 od 06.09.2017. godine, za ponuđenu cijenu od **30.899,51 KM sa PDV-om** kao prihvatljivu.

II

Ponuđač je dužan u roku od **7 dana** od dana prijema ove odluke, dostaviti dokaze po članu 45. stav (2) Zakona o javnim nabavkama i original (ovjerena kopija) izvještaj Centralne banke BiH.

III

Ova odluka objavit će se na web-stranici www.srebrenik.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

O B R A Z L O Ž E N J E

Postupak javne nabavke pokrenut je Odlukom o pokretanju postupka javne nabavke broj: 07-1595/17 od 18.08.2017. godine.

Javna nabavka je sprovedena po otvorenom postupku broj: 07-1595/17 od 18.08.2017. godine.

Procijenjena vrijednost javne nabavke bez PDV-a je 26.713,02 KM.

Obavještenje o nabavci broj: 761-1-3-87-3-59/17 poslato je na objavljivanje dana 18.08.2017. godine, i "Službenom glasniku BiH" broj: 61/17 od 25. 08. 2017. godine.

Komisija za javnu nabavku imenovana je Rješenjem broj: 07-1595/17 od 22.08.2017. godine.

Ponude po otvorenom postupku za predmetnu nabavku su dostavili sljedeći ponuđači:

1. "ITK MUSIĆ" DOO Srebrenik, u ukupnom iznosu od 26.656,97 KM (bez PDV-a), i
2. "JATA GROUP" DOO Srebrenik, u ukupnom iznosu od 26.436,69 KM (bez PDV-a).

U prvom dijelu rada Komisije, konstatovano je da su, blagovremeno, pristigle dvije pravilno zatvorene ponude. Nakon toga, Komisija je isčitala ponuđene cijene i završila prvi dio svoga rada.

U drugom dijelu rada, Komisija je pristupila detaljnom pregledanju dostavljenih ponuda, u cilju utvrđivanja da li su dostavljeni svi traženi dokazi i da li isti ispunjavaju kvalifikacione uslove.

Pregledanjem ponuda ponuđača **"ITK MUSIĆ" DOO Srebrenik** i **"JATA GROUP" DOO Srebrenik**, Komisija je konstatovala da su iste potpune tj, da svi dokazi za kvalifikaciju

zadovoljavaju zahtijevane kvalifikacione uslove i iste su prihvatljive za daljnje razmatranje.

Računskom provjerom nisu utvrđene računске greške.

Kako je Ugovorni organ u tenderskoj dokumentaciji i obavještenju o nabavci predvidio provođenje e-Aukcije, Ugovorni organ je zakazao e-Aukciju za dan 14.09.2017. godine u 14,00 sati.

Nakon završetka e-Aukcije, konačna rang lista ponuđača koji su učestvovali u e-Aukciji i konačne cijene ponuda su sljedeće:

1. "ITK MUSIĆ" DOO Srebrenik, u ukupnom iznosu od 26.409,84 KM (bez PDV-a), i
2. "JATA GROUP" DOO Srebrenik, u ukupnom iznosu od 26.436,69 KM (bez PDV-a).

U postupku donošenja ove odluke, posebno su cijanjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjelih ponuda, u skladu sa kriterijima iz tenderske dokumentacije.

U postupku ocjene provedenog postupka, ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Iz navedenih razloga, primjenom člana 64. stav 1. tačka b) Zakona o javnim nabavkama, te članova 38. i 118. Statuta općine Srebrenik („Službeni glasnik općine Srebrenik“, broj: 1/08), odlučeno je kao u tački I. ove odluke.

POUKA O PRAVNOM LIJEKU:

Protiv ove odluke može se izjaviti žalba u roku od 10 (deset) dana od dana prijema odluke o izboru ponuđača.

Žalba se izjavljuje ugovornom organu u pisanoj formi direktno, ili preporučenom poštanskom pošiljkom.

Žalba se podnosi u najmanje tri primjerka.

Dostavljeno:

1. Ponuđačima 2x,
2. Evidenciji,
3. Arhivi.



OPĆINSKI NAČELNIK

Dr. sc. Nihad Omerović